

Devetnaestogodišnjem Harisu Budimliću i roditeljima potrebna pomoć


ZA TRANSPLANTACIJU SRCA potrebno 100 hiljada eura

CAZIN - Možete li u ovom trenutku dok čitate ovaj tekst normalno da dišete? Ako možete, zahvalite Bogu na toj sreći i pomozite onima koji to ne mogu. Takav je, nažalost, devetnaestogodišnji **Haris Budimlić** iz Podgredine kojem hitno treba novo srce. Nakon iznenadnog pada i gubitka svijesti početkom 2009. godine, Harisu Budimliću je ustanovljeno teško srčano oboljenje - kardiovaskularni miokarditis. U toku godine izgubio je više od 15 kilograma. Uskraćeno mu

je gotovo sve. Fizička aktivnost, normalna ishrana, pa čak i dnevna količina tečnosti koju može unijeti u svoj organizam.

Njegova želja nije poput želja većine njegovih vršnjaka - Haris samo želi normalno disati. A da bi to mogao, potrebna mu je transplantacija srca. Za takav operativni zah-

vat, koji bi se obavio u Sloveniji, njegovi roditelji moraju izdvojiti čak 100.000 eura. Harisov otac, **Hasan Budimlić**, ima još četvero djece i bavi se poljoprivredom. Uz to je i demobilisani borac i nema niti je u mogućnosti samostalno obezbijediti ovuliku sumu novaca. Stoga je Hasan pokrenuo akciju za



Haris Budimlić

liječenje svog sina i vjeruje u pomoć svih nas. Nemojmo ih iznevjeriti. Neka Nova godina, uz našu i Božiju pomoć, Harisu bude novi život, znajmo da pomažući drugima pomažemo sebi. **Mirela S.**



Sredstva za liječenje Harisa Budimlića mogu se uplatiti na račun: 3385202508686271, broj 40338248000 kod UniCredit banke Cazina.

Iz Amerike stigla donacija Dječjem obdaništu

VELIKA KLADUŠA – Posljednjeg dana prošle godine djecu i uposlene u Javnoj ustanovi „Dječje obdanište“ u Velikoj Kladuši obradovala je vrijedna novčana donacija u iznosu od 528,00 KM, a koja je

stigla od Kladušana koji žive i rade u Američkoj Saveznoj Državi Iowa, u gradu Boise. Ovu akciju pokrenuli su i realizirali **Edina Rkman – Hadžić, Sead Gračanin i Izet Dizdarević**. Ova novčana donacija

bit će iskorištena, kako su istakli uposleni u ovoj ustanovi, za kupovinu lego igračaka za djecu. Uposleni su donatorima pripremili prigodnu zahvalnicu.

E. Š.



Internacionalni Klub kulturnog stvaralaštva Cazinske krajine i njene dijaspore u saradnji sa Redakcijom Reprezent-a poziva zainteresirane učenike 8. razreda osmogodišnjih škola Unsko-sanskog kantona da uzmu učešće i prijave se na slijedeći

Konkurs

za najbolju prezentaciju mjesne zajednice

Prezentaciju izvršiti kao projekat naziva:

„Faktografska slika moje mjesne zajednice“, okvirnog sadržaja:

- I Uvod/predgovor do dvije stranice štampanog teksta
- II Geografsko-historijski aspekt do četiri stranice
- III Demografsko-populacijski aspekt do četiri stranice
- IV Kulturno-religijski aspekt do četiri stranice
- V Sažetak do dvije stranice
- VI Popis učenika sa datumom i mjestom rođenja

2. Projekat otipkan na formatu A4 dostaviti Redakciji Reprezent-a do 31. marta 2010. godine

3. Stručni žiri će odabrati najbolje projekte za nagrade:
- Prva nagrada plaćeni autobus za jednodnevnu ekskurziju bilo gdje u BiH,

- Druga nagrada plaćeni autobus za jednodnevnu ekskurziju u NP „Una“ Bihać,

- Treća nagrada nabavka knjiga za školsku biblioteku u vrijednosti 500,00 KM.

Po preporuci žirija biće otkupljeno još do 10 projekata uz naknadu u knjigama u iznosu od 100,00 KM.

4. Ovisno o broju pristiglih ponuda biće javno publikovan način-kriteriji izbora!

5. Nagrađeni radovi bit će objavljeni u Reprezent-u.

5. Konkurs će biti publikovan u svakom drugom izdanju Reprezent-a a sve osnovne škole bit će obavještene cirkularnim pismom posredstvom Ministarstva obrazovanja, nauke, kulture i sporta u Vladi USK-a.

• Internacionalni Klub kulturnog stvaralaštva Cazinske krajine, USA

• Redakcija Reprezent-a

Reagirane

Cazin, 23. 12. 2009.

Poštovani gospodine Šabanagiću, Zaprepašeni smo Vašom neprofesionalnošću u koju smo se uvjerali u posljednjem broju Reprezent-a (21.12.2009) na strani 13.

Naime, u članku Ponovo problemi unutar Stranke demokratske akcije objavili ste anonimno pismo u kojem se spominju naša imena, kao i drugi članovi naše porodice, te ste nam time nanijeli veliku štetu. Nismo znali do sada da neprofesionalizam nema granica; u to ste nas uvjerali Vi.

Da li ste se zapitali ko su pomenuta imena, ko stoji iza pisma, ko je autor i kakav mu je mentalni sklop, koji je motiv pisma? Ne, očito niste, pošto ste isto u cijelosti objavili.

Iz razloga što ste objavili pismo koje je neistinito i neprovjereno, te iz razloga što niste kontaktirali drugu stranu, namjeravamo Vas tužiti jer ste nam takvim svojim potezom nanijeli duševnu bol.

Nemamo potrebu, niti namjeru da Vam pišemo bilo šta o nama i našoj porodici jer ćete ionako sve saznati službenim putem.

Od Vas tražimo da ovo reagiranje objavite u cijelosti i bez korekcija.

Srdačno,

Lejla Hairlahović, prof.

Mr. med. sci. prim. dr. **Hatidža Hairlahović**, spec. školske medicine

Reagirane objavljujemo u cijelosti a radi čitalaca moramo pojasniti našu „neprofesionalnost“ u spomenutom tekstu na koju se pozivaju potpisnice reagiranja, profesorica i doktorica **Hairlahović**. Potpisnice reagiranja nose cijenjene i (još uvijek) uvažavane titule koje međutim niti jednom prilikom nisu spomenute u našem tekstu. Dakle, profesoricu Hairlahović smo spomenuli u kontekstu njene stranačke titule, predsjednice Asocijacije mladih SDA Cazin, a time je neizbježno ne spomenuti i njenu porodicu koja je, sasvim prirodno, podržava u njenom radu i svim aktivnostima. Titulu profesorice i stranačku titulu naši građani pa i novinari sasvim drugačije doživljavaju. Stanje u prosvjeti i zdravstvu je takvo kakvo jeste, a kakvo je u stranačkom životu to već i vrapci na grani znaju. O stranačkim aktivnostima konstantno pišemo i nastaviti ćemo i dalje, kom drago, a kom mrsko. U vrijeme nastajanja teksta pripremani su vanredni izbori u SDA, ne samo u Cazinu već i cijelom Kantonu, u vrijeme kada se namirilo 400 dana od kako Općinsko vijeće Cazina nema predsjedavajućeg jer je ova stranka jedna od onih koja ne želi da se izbor izvrši. Tekst je nastao kao refleksija na razbijanje ove stranke (SDA i A-sda) a nakon toga na nejedinstvo unutar ostatka SDA zbog čega su valjda i uvedena povjereništva u cijelom Kantonu.

Konkretno, da se profesorica Hairlahović potpisala kao predsjednica Asocijacije mladih SDA, Urednik se uopće ne bi osvrtao na reagiranje, a čitaocima bi sve bilo jasno. Ovako, prikrivanjem stranačke titule morali smo podsjetiti na ogromnu razliku između titule profesorice i predsjednice partijske organizacije. Barem je to danas svima jasno.

Esad ŠABANAGIĆ, Urednik

Oglasi

Prodajem kuću u Zadru-Privlaka, komplet sredenu sa namještajem. Kuća je udaljena 400 metara od mora, sa pogledom na more, veličine 10 x 10 metara. Kuća je vlasništvo 1/1 sa vodom, strujom i kanalizacijom. Telefon u Austriji: 0043 699 1707 6540.



Prodajem poslovno-stambeni objekt u strogom centru Velike Kladuše, ulica Milana Pilipovića br. 7, Velika Kladuša (preko puta Poreske uprave). U sklopu objekta nalaze se: poslovni prostor veličine 150 m² (roh-bau), poslovni prostor veličine 50 m² (useljiv), stan veličine 100 m² (roh-bau) i stan od 120 m² (useljiv). Informacije na telefon 061-767-547.

Prodajem stan u stambenoj zgradi Joše, stan renoviran i namješten sa površinom od 61m2, može i zamjena za uži centar grada. Cijena po dogovoru. Info: 001-315-601-1228 ili na e-mail adresu: liratrademusic@roadrunner.com

Prodaje se 15 dunuma livade u Šumatcu blizu džamije uz asfaltnu cestu. Tel. 037 222 820.

Prodajem kuću sa okućnicom cca 960 m², 1.100 metara od centra grada, u ulici Ive Marinkovića (Zagrad) Velika Kladuša. Tel. 037 777 504 ili 062 699 110.

Prodajem zemljište za kućište u blizini zgrada Joše (na Hukića Brdu) u Velikoj Kladuši, gradnja dozvoljena, obezbijeđen prilaz, kao i brojne druge pogodnosti. Cijena po dogovoru. 061-795-162.

Prodajem kuću u centru grada Velika Kladuša Ul. Ive Marinkovića br.1, kontakt telefon: 062-395-070.

Prodajem parcelu površine 547 m² u ulici Ive Marinkovića u Velikoj Kladuši. Parcela je vlasništvo 1/1, nalazi se uz samu cestu s ulazom s ceste u širini od 27 metara. Na istoj je dozvoljena gradnja poslovno-stambenog objekta. Cijena parcele je po dogovoru. Kontakt telefon: 061- 338-111.

Izdajem novoopremljeni frizerski salon spreman za upotrebu, lociran u ulici Đure Pucara Starog - na novoj zaobilaznici u Velikoj Kladuši. Kontakt: 00 385 98 945 8036.